



KOMUNIKADU IMPRENSA

FUNDU MINA-RAI RELATÓRIU TRIMESTRÁL DA-RUAK 2025

Lei Fundu Mina-Rai estipula katak Ministériu Finansas maka estabelese estratéjia investimentu no Banco Central de Timor-Leste maka halo jestaun operasional ba investimentu.

Nune'e, Banco Central de Timor-Leste (BCTL) lansa Relatóriu Trimestrál Fundu Mina-Rai Timór-Leste nian ba trimestre da-ruak 2025 ne'ebé termina iha loron 30 fulan Juñu. Relatóriu ne'e hatudu katak **kapital/Balansu** Fundu Mina-Rai nian iha trimestre ne'e maka biliaun **\$18,74**, kompara ho **billiaun \$18,25** iha trimestre da-uluk 2025 nian.

Relatóriu ne'e mós hatudu katak **total reseitas** neébe simu iha trimestre ne'e hamutuk **token \$12,2** no **rendimentu bruto husi investimentu** hamutuk **token \$735,86**, kompostu husi **kupaun/funan** no **dividendu** ne'ebé simu hamutuk **token \$148,80** no **mudansa iha valór merkadu** nian hamutuk **token \$587,06**. Nunée, **rendimentu** ba karteira Fundu Mina-Rai husi **merkadu finanseiru** maka **4,14%**, kompara ho nia sasukat (*benchmark*) **4,15%**.

Iha trimestre ida neé, **total osan neébe dada/sai** husi Fundu Mina-Rai hamutuk **token \$253,77**, neébe **token \$250 transfere ba Konta Tezouru** atu finansia Orsamentu Estadu no **token \$3,77** hodi selu **kustu jestaun investimentu**.

Desde estabesimentu Fundu Mina-Rai, **total reseitas** aproximadamente **billiaun \$25,27** **total returnu** husi **investimentu** iha **merkadu finanseiru** hamutuk **billiaun \$11,22** ho **média returnu anual 4,56%**, no **total levantamentu** hodi **finansia Orsamentu Estadu** hamutuk **billiaun \$17,91**.

Relatóriu trimestrál, lei Fundu Mina-Rai nian nomós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili, 5 Agostu 2025

Tobias Ferreira
Diretor Ezekutivu

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)